

Distribuit discumbentibus quantum volebant.

✠ Lécitio sancti Evangélii secúndum Ioánnem

6, 1-15

In illo témpore:

- ¹ **A**biit Iesus trans mare Galilææ,
quod est Tiberíadis.
- ² Et sequebátur eum multitúdo magna,
quia vidébant signa, quæ faciébat
super his, qui infirmabántur.
- ³ Súbiit autem in montem Iesus
et ibi sedébat cum discípulis suis.
- ⁴ Erat autem próximum Pascha,
dies festus Iudæórum.
- ⁵ Cum sublevásset ergo óculos Iesus
et vidísset quia multitúdo magna venit ad eum,
dicit ad Philíppum:
«Unde emémus panes, ut mandúcent hi?».
- ⁶ Hoc autem dicébat tentans eum;
ipse enim sciébat quid esset factúrus.
- ⁷ Respóndit ei Philíppus:
«Ducentórum denariórum panes
non suffíciunt eis,
ut unusquisque módicum quid accípiat!».
- ⁸ Dicit ei unus ex discípulis eius,
Andréas frater Simónis Petri:
- ⁹ «Est puer hic,
qui habet quinque panes hordeáceos et duos pisces;
sed hæc quid sunt propter tantos?».
- ¹⁰ Dixit Iesus:
«Fácite hómines discúmbere».
Erat autem fenum multum in loco.
Discubuérunt ergo viri número quasi quinque mília.
- ¹¹ Accépit ergo panes Iesus

et, cum grátias egísset,
distríbuit discumbéntibus,
simíliter et ex píscibus, quantum volébant.

¹² Ut autem impléti sunt,
dicit discípulis suis:

«Collígite, quæ superavérunt, fragménta,
ne quid péreat».

¹³ Collegérunt ergo
et implevérunt duódecim cóphinos fragmentórum
ex quinque pánibus hordeáceis,
quæ superfuérunt his, qui manducavérunt.

¹⁴ Illi ergo hómnes,
cum vidíssent quod fécerat signum, dicébant:
«Hic est vere prophéta, qui venit in mundum!».

¹⁵ Iesus ergo,
cum cognovísset quia ventúri essent,
ut ráperent eum
et fácerent eum regem,
secéssit íterum in montem ipse solus.

Verbum Dómini.